

3. oktober 2023

UKA2023/24

Uunga siunnersuut Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allanngortinneqarnissaa pillugu Inatsisartut inatsisaat (Teknikkikkut naleqqussaait, Kommunit immikkoortunut pilersaarutaat kiisalu Piffissaq ungasinnerusoq eqqarsaatigalugu aningaasaliissuteqarnissamut Aningaasaateqarfimmut nuutsisarneq)

Aningaasaqarnermut Akileraartarnermullu Naalackersuisoq

Siullermik Siumumiik Aningaasaqarnermut Akileraartarnermullu Naalackersuisoq qutsavingerusupparput, Kommunit Namminersorlutillu Oqartussat missingersuutaat naatsorsuutaallu pillugit inatsisaata teknikkikkut allanngornissaanut siunnersuutaannut.

Siumumiik isumaqatigaarput inatsimmik nalimmassaasarneq pisariaqartitat aammalu pissutsinut naapertuunnerusumik ingerlatsisoqarnissaanut siunertaqarpata. Tamannalu uani allannguutissani takusinnaavarput Naalackersuisut kommunit namminersorlutillu oqartussat missingersuisarnerannut teknikkikkut aaqqiinarnerannut.

Siumumiik Naalackersuisut siunertaat tamaasa uteqqingikkaluarlugit taperserpagut, pitsaasumimmi tamarmik siunertaqarmata.

Teknikkikkut aaqqiinerit piujuarnissaat eqqarsaatigalugu ilaatigut Inatsit allanngortinneqartarpoq, ilaatigulluunniimmi, soorlu mittarfissuit aningaasaliiffiqineqarnialermata paragraffit ilaat atorunnaarsinneqartarsimapput.

Siumumiik maluginiarsimasatta ilagivaat missingersuutinut inatsimmi killilersuutit ilaatigut ineriartortikkusutaraluanut killiliisinnaasartoq, naak immaqa siunissaq ungasinnerusoq aammalu Inunnut allaat navianartorsiortitsisinnaasut aqqitassaraluit kinguarsaneqartarnerinut. Assersuutigiinnarlugu Tasiilami erngup nukinganik kallerup inniliorfiup ilanissaanut naatsorsuutit amingalaarmata, kinguarsangaatsiarsimasugut, naak uffa nalunatigu, inunnut, suliffeqarfinnut allatigullu ajoqutaangaatsiarsinnaasumik pisoqarataannaasoq, kallerup innerata qameqattaalersarnerani. Pissutsit taamaattut aamma missingersuinerimi inatsimmi assersuutingalugu § 6 matoqqavallaarani nalimmassarneqarsinnaangaluarpoq. Tassami inuiaqatigiinnut, illoqarfimmit allanullu innarliisinnaanera, ajoqutaasinnaaneralu naapertorlugu, missingersuutit naak immaqa tamakkiisumik imminut akilersinnaasutut isikkoqanngikkaluartut, Naalackersuisut naliliilluarnermikkut Inatsisartunut aaliangiussassanngorlugu attartuiniarnermut tunngasut qasukkaavigilaarsinnaangaluaaraat.

Siumumiik Inatsimmik allannguneq nalimmassaanertut pitsaasutut isigaarput, Aningaasaqarnermut, akileraartarnermullu ataatsimiisitaliamut ingerlateqqinnissaa innersuutingalugu.

Kuno Fencker, Siumut